

BOSNA I HERCEGOVINA - БОСНА И ХЕРЦЕГОВИНА

*Agencija za razvoj visokog obrazovanja
i osiguranje kvaliteta/kvalitete
Bosne i Hercegovine
Banja Luka*



*Агенција за развој високог образовања
и обезбеђивање квалитета
Босне и Херцеговине
Бања Лука*

Agency for Development of Higher Education and Quality Assurance of Bosnia and Herzegovina

Broj: 05-33-1-62-5/21
Banja Luka, 07.06.2021. godine

Na osnovu člana 49. alineja 4) Okvirnog zakona o visokom obrazovanju u Bosni i Hercegovini („Službeni glasnik BiH“, br. 59/07 i 59/09), u postupku akreditacije visokoškolske ustanove **Internacionalni univerzitet Goražde**, na osnovu prijedloga Ministarstva obrazovanje, mlade, nauku, kulturu i sport Bosansko - podrinjskog kantona Goražde, direktor Agencije za razvoj visokog obrazovanja i osiguranje kvaliteta Bosne i Hercegovine donosi

R J E Š E N J E

**o imenovanju Komisije domaćih i međunarodnih stručnjaka
koji daju ocjenu i obavljaju reviziju kvaliteta i daju preporuke o akreditaciji
visokoškolske ustanove Internacionalni univerzitet Goražde**

1. Imenuje se Komisija domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova (u daljnjem tekstu: Komisija stručnjaka) u postupku akreditacije visokoškolske ustanove Internacionalni univerzitet Goražde u sljedećem sastavu:
 - 1) Prof. dr. Jasmina Selimović, predstavnik akademske zajednice u BiH - predsjednica Komisije stručnjaka;
 - 2) Prof. dr. Amel Kosovac, predstavnik akademske zajednice u BiH, član Komisije stručnjaka;
 - 3) Prof. dr. Radivoj Prodanović, međunarodni stručnjak, član Komisije stručnjaka;
 - 4) Samir Zuparević, predstavnik privrede i prakse, član Komisije stručnjaka;
 - 5) Igor Bošnjak, student, član Komisije stručnjaka
2. Komisija stručnjaka iz tačke 1. u postupku akreditacije postupat će na osnovu Okvirnog zakona o visokom obrazovanju u Bosni i Hercegovini (u daljnjem tekstu: Okvirni zakon), Odluke o normama kojima se određuju minimalni standardi u području visokog obrazovanja u Bosni i Hercegovini („Službeni glasnik BiH“, broj 100/11 i 26/19), Odluke o kriterijima za akreditaciju visokoškolskih ustanova u Bosni i Hercegovini („Službeni glasnik BiH“, br. 96/16), drugih dokumenata Agencije za razvoj visokog obrazovanja i osiguranje kvaliteta Bosne i Hercegovine (u daljnjem tekstu: Agencija) kojima se uređuje postupak akreditacije, kao i propisima Ministarstva obrazovanje, mlade, nauku, kulturu i sport Bosansko - podrinjskog kantona Goražde kojima je uređen proces osiguranja kvaliteta visokoškolskih ustanova i studijskih programa.
3. Komisija stručnjaka dužna je u roku od najduže 30 dana od posjete visokoškolskoj ustanovi sačiniti nezavisan Izvještaj o eksternoj evaluaciji visokoškolske ustanove koji treba biti napisan jasno i razumljivo, na jednom od službenih jezika u Bosni i Hercegovini i na

engleskom jeziku, bez oznaka (memorandum, logotip i dr.) nadležnih obrazovnih vlasti, političkih struktura, visokoškolske ustanove koja je predmet vanjskog osiguranja kvaliteta i drugih subjekata koja upućuje na zavisnost rada Komisije stručnjaka.

4. Komisija stručnjaka dužna je konačni Izvještaj o eksternoj evaluaciji visokoškolske ustanove dostaviti Agenciji za razvoj visokog obrazovanja i osiguranje kvaliteta Bosne i Hercegovine.
5. Rješenje se dostavlja imenovanim članovima Komisije stručnjaka i nadležnoj obrazovnoj vlasti radi zaključivanja ugovora sa svakim članom Komisije kojim se preciznije uređuju prava i obaveze ugovornih strana, utvrđeni tačan iznos naknade za rad Komisije stručnjaka i rok isplate koji ne može biti prije izdavanja preporuke Agencije o ishodu akreditacije.
6. Koordinator Komisije stručnjaka ispred Agencije je Sanela Pašić-Delahmetović, stručna savjetnica za nauku i visoko obrazovanje.
7. Rješenje stupa na snagu danom donošenja.

O b r a z l o ž e n j e

Ministarstva obrazovanje, mlade, nauku, kulturu i sport Bosansko - podrinjskog kantona Goražde, dostavilo je Prijedlog za imenovanje Komisije stručnjaka za akreditaciju visokoškolske ustanove Internacionalni univerzitet Goražde, broj: broj 10-34-212-3/21 od 13.04.2021. godine u kojem je predloženo da Agencija za razvoj visokog obrazovanja i osiguranje kvaliteta Bosne i Hercegovine imenuje Komisiju stručnjaka koja će obaviti posjetu visokoškolskoj ustanovi Internacionalni univerzitet Goražde i na osnovu utvrđenog stanja, dati mišljenje o ishodu akreditacije predmetne visokoškolske ustanove.

Cijeneći sadržaj podnesenog prijedloga, a postupajući u skladu s Instrukcijom o načinu imenovanja komisije stručnjaka za akreditaciju, 05-02-1-71-1/16 od 28.1.2016. godine Agencija je utvrdila sljedeće činjenično stanje. Na osnovu uvida u Listu stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova i studijskih programa, koja je dostupna na internet stranici Agencije, utvrđeno je da se predloženi članovi Komisije nalaze na utvrđenoj Listi stručnjaka. Dalje, provjerom dostupnosti predloženih stručnjaka i sukoba interesa u pogledu visokoškolske ustanove koja je predmet eksterne evaluacije, utvrđeno je da imenovani stručnjaci nisu u sukobu interesa s visokoškolskom ustanovom koja je predmet eksterne evaluacije i da su isti dostupni u narednom periodu u kojem se ima obaviti posjeta visokoškolskoj ustanovi i sačiniti Izvještaj o eksternoj evaluaciji visokoškolske ustanove.

Komisija stručnjaka u postupku akreditacije visokoškolske ustanove Internacionalni univerzitet Goražde dužna je primjenjivati Okvirni zakon kojim su propisane nadležnosti učesnika u postupku akreditacije, Odluku o normama kojima se određuju minimalni standardi u području visokog obrazovanja u Bosni i Hercegovini (u daljnjem tekstu: Odluka o normama) kojim je detaljnije regulisan način rada komisije stručnjaka i sadržaj Izvještaja o eksternoj evaluaciji. Dalje, Komisija stručnjaka dužna je primjenjivati Odluku o kriterijima za akreditaciju visokoškolskih ustanova u Bosni i Hercegovini („Službeni glasnik BiH“, broj: 96/16), kojom su utvrđeni kriteriji čiju ispunjenost provjerava Komisija prilikom posjete visokoškolskoj ustanovi i ocjenu usaglašenosti visokoškolske ustanove sa kriterijima Komisija stručnjaka detaljno opisuje u svom Izvještaju.

Odlukom o normama propisano je da vanjsko osiguranje kvaliteta treba biti organizirano tako da se odluke o kvalitetu donose nezavisno od nadležnih obrazovnih vlasti, političkih struktura i visokoškolske ustanove koja je predmet vanjskog osiguranja kvaliteta, izbjegavajući bilo koji sukob interesa. Slijedom navedenog, imenovana Komisija stručnjaka, kao nezavisno tijelo, dužna je sačiniti Izvještaj o eksternoj evaluaciji koji treba biti napisan jasno i razumljivo, na jednom od službenih jezika u Bosni i Hercegovini i na engleskom jeziku, bez oznaka (memorandum, logotip i dr.) nadležnih obrazovnih vlasti, političkih struktura i visokoškolske ustanove koja je predmet vanjskog osiguranja kvaliteta koje upućuje na zavisnost rada Komisije stručnjaka od navedenih i drugih subjekata.

Konačan Izvještaj o eksternoj evaluaciji Komisija stručnjaka dostavlja Agenciji. Na osnovu dostavljenog Izvještaja o eksternoj evaluaciji, u kojem je sadržano mišljenje Komisije stručnjaka o ishodu akreditacije visokoškolske ustanove, Agencija daje preporuku o ishodu akreditacije nadležnoj obrazovnoj vlasti na osnovu koje se donosi rješenje o ishodu akreditacije visokoškolske ustanove.

Ovo Rješenje se dostavlja imenovanim članovima Komisije stručnjaka i nadležnoj obrazovnoj vlasti radi zaključivanja ugovora sa svakim članom Komisije kojim će se preciznije regulisati prava i obaveze ugovornih strana, utvrđeni tačan iznos naknade za rad Komisije stručnjaka i rok isplate koji ne može biti prije izdavanja preporuke o ishodu akreditacije Internacionalnog univerziteta Goražde od strane Agencije.

Pravna pouka:

Protiv ovog Rješenja može se izjaviti prigovor direktoru Agencije u roku od 8 dana od dana prijema.

Dostavljeno:

- ① Imenovanim članovima Komisije stručnjaka
2. Ministarstvo obrazovanje, mlade, nauku, kulturu i sport Bosansko - podrinjskog kantona Goražde
3. Internacionalni univerzitet Goražde
4. Sektor za osiguranje kvaliteta
5. a/a

